

CBETA電子佛典集成


CBETA Chinese Electronic Tripitaka Collection
ebook

X25n0492

金剛經疏記會編

清 行策會編

中華電子佛典協會



目次

- [編輯說明](#)
- [章節目次](#)
 - [No. 492-A 金剛般若經疏記會編序](#)
 - [No. 492-B 金剛般若經疏記會編科文](#)
 - [No. 492-C](#)
 - [十八住階位圖](#)
 - [十八住階位圖說](#)
 - [No. 492-D](#)
 - [二十七疑脈絡圖](#)
 - [二十七疑脈絡圖說](#)
 - [例言](#)
 - [金剛般若經疏論纂要刊定記會編](#)
- [卷目次](#)
 - 1.
- [贊助資訊](#)

編輯說明

- 本電子書以「CBETA 電子佛典集成 Version 2023.Q1」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 492-A 金剛般若經疏記會編序

一切眾生自性般若。與諸佛平等。眾生唯妄執未謝。故波迸六道。甘淪溺而不之返。世尊為說一切修多羅。不過令其於已躬下。證其本有如是之事而已。然諸契經。演說不同。有曲有直。有純有雜。唯金剛般若一經。破執斷疑。最為直說純說者也。此經總之則一。析之有三種。一曰。實相般若。如金之堅。即理經也。二曰。觀照般若。如金之利。即行經也。三曰。文字般若。如金之光。即教經也。利根圓獲。鈍者淺執。昔六祖大師。聞客誦至應無所住而生其心。中峯老人。讀至荷擔如來阿耨多羅三藐三菩提。豁然悟入。此頓見實相。最上利根也。其次則明觀照。又次則信文字。至於但信文字根。斯為下矣。然末世頓入者少。故理由行證。行藉教明。則文字實又二種般若之津筏也。是經文則甚略。而義該大部。入位上流。乍難窺測。然自創譯已來。此方疏釋。約數百家。深經淺解。已謂少益。況偏辭臆說。至有不堪聞見者乎。昔佛滅後。西域有無著菩薩。入日光定。上升兜率。詣彌勒問此經義。彌勒以八十偈頌之。無著出定。與其弟天親。各稟偈造論。二論互釋。經旨彌深。仍非淺智所了。唐圭山大師。以妙悟之姿。泳遊教海。愍物興慈。遂正本二論。旁采諸說。述纂要疏二卷。辭精理極。為眾釋中最。然一往讀之不了者。什猶六七。石壁師別為廣解。又失之太繁。長水師復起而翦削之。成刊定記。而疏義顯矣。疏義顯。而後金剛般若教行理三經。乃無不顯矣。但今宇內謬解偏多。傳講諸師。又恒習世本。各封已見。以故鮮知宗尚。嗟乎獨不思聖凡愚智藐若雲泥。無著是登地菩薩。天親是地前加行菩薩。二人親稟彌勒。彌勒是補處大士。親稟釋尊。今疏悉依二論。則疏即佛語。佛語不宗將誰宗乎。策昔因閱藏。幸遇斯文。精研三復。如獲重寶。但以疏記別行。尋討維艱。文義連綿。科章間錯。起止血脉。作者猶迷。於是不量庸愚。秉筆從事。校經節疏。會記編科。繕寫嚴覈。至三脫其稿。於中添削釐合。殊費斟酌。俾覽者無神昏目眩之嫌。有執謝疑除之益。特授剞劂。以廣流傳。或曰。子禪者也。乃事經疏之學耶。予曰。噫子過矣。請無遠論。即圭山長水二師。一則宗大鑑。而徹禪源。一則叩琅邪。而悟心要。亦皆續教內之真傳。即文字而直指。苟具正眼。豈存二見。況此般若者。乃覺體之異名。種智之殊號。性空緣會。法爾無差。功德發心。本無限齊。吾將流通如是之經。以期已他之兼利也。流通文字。用嚴化身。流通觀照。用嚴報身。流通實相。用嚴法身。如是則為具足佛身。何以故。生了二因。決能成就故。經云。是經義不可思議。果報亦不可思議。諸有福智者。應作如是觀。

康熙甲辰歲仲夏之吉荊溪後學行策書於武林之河渚草堂

No. 492-B 金剛般若經疏記會編科文

長水沙門 子璿 錄

- ○疏文分(三)
 - 初標題目(二)
 - 初經疏名題
 - 二作者嘉號
 - 二敘宗旨(二)
 - 初敘讚經旨(二)
 - 初通明起教之緣(二)
 - 初明迷真起妄(二)
 - 初真空
 - 二妄有
 - 二明習妄流轉(由是)
 - 二別明說教之意(二)
 - 初敘說阿含之意(二)
 - 初正敘(故我)
 - 二結判(既除)
 - 二敘說般若之意(二)
 - 初總示大部(二)
 - 初敘教釋意(欲盡)
 - 二顯瑞彰會(三千)
 - 二別示今經(二)
 - 初略標指(令之)
 - 二廣敘讚(二)
 - 初敘嘆幽玄(二)
 - 初具敘一經詮旨(三)
 - 初正敘(句偈)
 - 二反顯(不先)
 - 三順結(故雖)
 - 二結嘆四法幽玄(三)
 - 初正結歎
 - 二示難了
 - 三彰謬解
 - 二引文結顯(河沙)
 - 二述造疏意(二)

- 初示疏論師承有據(二)
 - 初二論師承斥他添削(且天)
 - 二示今述解不攻異端(故今)
- 二示名題義意在下(纂要)
- 三解本文(二)
 - 初偈文皈請(稽首)
 - 二開章正釋(二)
 - 初標列章門(將釋)
 - 二依章正釋(四)
 - 初辯教起因緣(二)
 - 初總論諸教(二)
 - 初通赴機緣(初中)
 - 二克就佛意(若據)
 - 二別顯此經(五)
 - 初對治我法二執(三)
 - 初標(後別)
 - 二釋(二)
 - 初總標由執起障(由此)
 - 二別示一障過患(二)
 - 初煩惱(由煩)
 - 二所知(由所)
 - 三結(二執)
 - 二遮斷種現二疑(二)
 - 初標(二為)
 - 二釋(遮未)
 - 三轉減輕重二業(二)
 - 初標(三為)
 - 二釋(轉重)
 - 四顯示福慧二因(三)
 - 初標(四為)
 - 二釋(二)
 - 初未說失為凡小(佛成)
 - 二已說得為佛因(二)
 - 初順釋(故談)
 - 二反顯(若無)
 - 三結(故須)
 - 五發明真應二果(三)
 - 初標(五為)
 - 二釋(未聞)

- 三結(故此)
- 二明經宗躰(二)
 - 初明宗(二)
 - 初統明諸教(第二)
 - 二別顯今經(三)
 - 初約法正立(別顯)
 - 二約喻釋成(以即)
 - 三約行結顯(萬行)
 - 二明躰(三)
 - 初標立(二躰)
 - 二正釋(文字)
 - 三總結(故皆)
- 三分別處會(二)
 - 初總明佛說大部處會(二)
 - 初總示大部(第三)
 - 二別顯此經(此經)
 - 二別明傳譯此卷時主(三)
 - 初正明東土翻譯前後(二)
 - 初通辯諸譯(後別)
 - 二剋示所傳(今所)
 - 二因辨西方解釋異同(天竺)
 - 三示今科判依據差別(二)
 - 初正明科釋所依(今科)
 - 二結成立題所以(題云)
- 四釋通文義(二)
 - 初解題目(疏二)
 - 初釋所詮(三)
 - 初釋金剛(二)
 - 初翻名示相(金剛)
 - 二約法辨義(二)
 - 初引經論總彰二義(三)
 - 初總標略辯(極堅)
 - 二引教委釋(涅槃)
 - 三結顯喻旨(皆以)
 - 二引真諦別示六種(二)
 - 初正明六種(又真)
 - 二結示傍正(傍兼)
 - 二釋般若(二)
 - 初翻名略指(般若)

- 二引教廣釋(二)
 - 初引論別相釋(二)
 - 初明總攝三慧(若約)
 - 二引論文釋成(二)
 - 初正釋成(故無)
 - 二配因果(二)
 - 初双引論(又云)
 - 二双解釋(則聞)
 - 二引經通相釋(若依)
 - 三釋波羅蜜(三)
 - 初約語對翻(波羅)
 - 二約義順釋(二)
 - 初釋義(調離)
 - 二通難(一切)
 - 三順義通結(若兼)
 - 二釋能詮(二)
 - 初翻名(經者)
 - 二釋義(契者)
 - 二釋經文(疏)○
- ○二釋經文(疏二)
 - 初科分(後釋)
 - 二隨釋(經三)
 - 初序分(二)
 - 初證信序(疏三)
 - 初明建立因(釋此)
 - 二明建立意(二明)
 - 三正釋文義(二)
 - 初標列述意(三正)
 - 二依科解文(六)
 - 初信成就(二)
 - 初合釋(一信)
 - 二單釋(單釋)
 - 二聞成就(二)
 - 初正釋我聞之義(二聞)
 - 二商較所聞之法(阿難)
 - 三時成就(二)
 - 初揀顯釋(三時)
 - 二會法釋(又說)

- 四主成就(二)
 - 初翻名(四主)
 - 二釋義(二)
 - 初引論正釋(二)
 - 初約體離念釋(起信)
 - 二約位三義釋(然覺)
 - 二引論反釋(三)
 - 初反顯(故知)
 - 二引證(起信)
 - 三順結(又云)
- 五處成就(二)
 - 初釋舍衛(五處)
 - 二釋祇園(二)
 - 初總指(祇樹)
 - 二別釋(三)
 - 初釋祇陀(祇陀)
 - 二釋給孤(梵語)
 - 三釋園字(西國)
- 六眾成就(二)
 - 初釋標類(六眾)
 - 二釋舉數(千二)
- 二發起序(疏二)
 - 初敘意(二發)
 - 二隨釋(經二)
 - 初戒(疏七)
 - 初釋化主(分七)
 - 二釋化時(二化)
 - 三釋化儀(三化)
 - 四釋化處(四化)
 - 五釋化事(五化)
 - 六釋化等(六化)
 - 七釋化終(七化)
 - 二定(疏二)
 - 初正解此文(三)
 - 初併資緣(分二)
 - 二淨身業(二淨)
 - 三正入定(三正)
 - 二通前表法(二)
 - 初約大雲廣辨(三)

- 初標(然大)
 - 二釋(二)
 - 初表通序(表本)
 - 二表別序(覺心)
 - 三結(欲談)
 - 二引資聖略明(二)
 - 初正明(資聖)
 - 二引證(故涅)
 - 二正宗分○
 - 三流通分○
- ○二正說分(疏二)
 - 初標列章門(第二)
 - 二依章隨釋(二)
 - 初約無著七種義句以懸判(三)
 - 初正示七句(七)
 - 初種性(初中)
 - 二發起(二發)
 - 三住處(三行)
 - 四對治(四對)
 - 五不失(五不)
 - 六地位(六地)
 - 七立名(七名)
 - 二總指後四(後四)
 - 三廣釋第三(三)
 - 初正辨十八住處(十八)
 - 初發心住(十八)
 - 二波羅蜜相應住(二波)
 - 三欲得色身住(二欲)
 - 四欲得法身住(四欲)
 - 五修道無慢住(三)
 - 初正示此文(五於)
 - 二通敘後段(從此)
 - 三別結對治(今當)
 - 六不離佛世住(六不)
 - 七願淨佛土住(七願)
 - 八成熟眾生住(八成)
 - 九遠離外論住(九遠)
 - 十觀破色身住(十色)

- 十一給侍如來住(十一)
- 十二遠離退失住(十二)
- 十三忍苦住(十三)
- 十四離寂靜味住(十四)
- 十五證道離喜住(十五)
- 十六求佛教授住(十六)
- 十七證道住(十七)
- 十八求佛地住(六)
 - 初國土淨具足(十八)
 - 二見智淨具足(二無)
 - 三福自在具足(三福)
 - 四無上身具足(四身)
 - 五無上語具足(五語)
 - 六無上心具足(六心)
- 二重以八義相攝(又十)
- 三更約地位配釋(十八)
- 二依天親問答斷疑以科釋(二)
 - 初牒章分文(第一)
 - 二依章正釋(經四)
 - 初善現申請(二)
 - 初整儀讚佛(疏二)
 - 初釋請人(長老)
 - 二釋請儀(二)
 - 初正釋經文(從座)
 - 二別解菩薩(菩提)
 - 二正發問端(疏二)
 - 初釋當機(曲分)
 - 二釋正問(三)
 - 初釋魏本(二釋)
 - 二會當經(秦譯)
 - 三引論證(故無)
 - 二如來讚許(疏三)
 - 初印讚所讚(曲分)
 - 二敕聽許說(二敕)
 - 三標勸將陳(三標)
 - 三善現佇聞
 - 四如來正說(二)
 - 初正答所問(二)
 - 初舉總標別以牒問(疏四)

- 初正釋經文(此以)
- 二斥他謬判(有科)
- 三詳定經旨(況詳)
- 四牒難釋通(不別)
- 二約別顯總以答問(二)
 - 初答安住降心問(四)
 - 初廣大心(疏二)
 - 初釋標(文二)
 - 二釋列(三)
 - 初受生差別(二)
 - 初釋文(若卯)
 - 二通難(卯劣)
 - 二依止差別(二依)
 - 三境界差別(二境)
 - 二第一心
 - 三常心
 - 四不倒心
 - 二答修行降心問(五)
 - 初總標
 - 二別釋
 - 三總結
 - 四顯益(疏二)
 - 初科釋文意(初句)
 - 二別辨喻旨(虛空)
 - 五結勸
- 二躡迹斷疑(疏二)
 - 初約論分文(二躡)
 - 二依論科釋(經分二十七)
 - 初斷求佛行施住相疑(疏一)
 - 初標章敘疑(一斷)
 - 二依經斷疑(經四)
 - 初舉疑因以問
 - 二防相得以酬
 - 三釋體異有為
 - 四印佛身為相(疏二)
 - 初釋前二句(二)
 - 初正釋(非俱)
 - 二引證(故起)
 - 二釋後二句(二)

- 初正釋(若見)
- 二引論釋(四)
 - 初引起信(故起)
 - 二引擎注(肇云)
 - 三引本論(偈云)
 - 四依無著(無著)
- 二斷因果俱深無信疑(疏二)
 - 初隨章敘疑(經二斷)
 - 二依經斷疑(經四)
 - 初約無信以呈疑
 - 二呵疑詞以顯信
 - 三明能信之所以(二)
 - 初明歷事善友積集信因
 - 二明善友所攝成就信德(二)
 - 初明攝受得福顯福德門(疏二)
 - 初釋佛知見
 - 二釋得福德(得福)
 - 二明攝受所以顯智慧門(疏二)
 - 初敘意(二明)
 - 二科釋(經二)
 - 初正明已斷羸執(疏二)
 - 初節釋經文
 - 二商較經旨(然離)
 - 二因顯未除細執(疏二)
 - 初釋總明二相(若心)
 - 二釋別明二相(二)
 - 初正辨二相(若取)
 - 二別解徵意(中有)
 - 四示中道之玄門
 - 三斷無相云何得說疑(疏二)
 - 初隨章敘疑(三斷)
 - 二依經斷疑(經二)
 - 初問答斷疑(四)
 - 初舉疑因以問
 - 二順實理以酬
 - 三釋無定法之言(疏二)
 - 初引無著
 - 二引天親(二)
 - 初釋文(論云)

- 二通難(何故)
- 四釋無取說所以
- 二校量顯勝(四)
 - 初舉劣福以問
 - 二釋福多以酬
 - 三判經福超過(疏二)
 - 初正釋經文
 - 二別示句相(四句)
 - 四釋超過所以(二)
 - 初正釋
 - 二轉釋
- 四斷聲聞得果是取疑(疏二)
 - 初隨章敘疑(四斷)
 - 二依經斷疑(經四)
 - 初入流果(疏三)
 - 初正釋經文
 - 二商較果證(然非)
 - 三結斷疑情(故知)
 - 二一來果
 - 三不來果
 - 四不生果(疏二)
 - 初辨得名(四不)
 - 二分科釋(經三)
 - 初舉所得以問
 - 二明無取以答
 - 三引己證令信(三)
 - 初明佛先印
 - 二彰己不取
 - 三却釋佛意
- 五斷釋迦然燈取說疑(疏二)
 - 初隨章敘疑(五斷)
 - 二依經斷疑
- 六斷嚴土違於不取疑(疏二)
 - 初隨章敘疑(六斷)
 - 二依經斷疑(經三)
 - 初舉取相莊嚴問
 - 二釋離相莊嚴答
 - 三依淨心莊嚴勸
- 七斷受得報身有取疑(疏二)

- 初隨章指疑(七斷)
- 二依經斷疑(經二)
 - 初問答斷疑(疏二)
 - 初總釋喻旨
 - 二別解非身(二)
 - 初牒經略指(非身)
 - 二引論廣釋(二)
 - 初引本偈(故偈)
 - 二引論文(三)
 - 初双標(論云)
 - 二双釋(以唯)
 - 三双結(以是)
- 二校量顯勝(二)
 - 初約外財校量廣顯經勝(二)
 - 初校量勝劣(三)
 - 初約多河以辨沙
 - 二約多沙以彰福
 - 三約多福以顯勝
 - 二釋勝所以(五)
 - 初尊處嘆人勝(三)
 - 初明處可敬
 - 二顯人獲益
 - 三顯處有佛
 - 二約義辨名勝
 - 三佛無異說勝
 - 四施福劣塵勝
 - 五感果離相勝
 - 二約內財校量倍顯經勝(二)
 - 初校量勝劣
 - 二釋勝所以(五)
 - 初泣歎未聞深法勝
 - 二淨心契實具德勝(二)
 - 初正明
 - 二拂跡
 - 三信解三空同佛勝(三)
 - 初總標信解
 - 二別顯三空
 - 三如來印定
 - 四聞時不動希有勝

- 五大因清淨第一勝
- 八斷持說未脫苦果疑(疏二)
 - 初隨章敘疑(八斷)
 - 二依經斷疑(經二)
 - 初明超忍以斷疑(二)
 - 初明忍體
 - 二明忍相(二)
 - 初引一生證極苦忍(二)
 - 初正明
 - 二反顯
 - 二引多生證相續忍
 - 二勸離相以安忍(疏二)
 - 初引論敘意(二勸)
 - 二分文正釋(經二)
 - 初總標
 - 二別顯(二)
 - 初對治不忍流轉苦
 - 二對治不忍相違苦(疏二)
 - 初引無著顯意
 - 二約天親釋文(論云)
- 九斷能證無體非因疑(疏二)
 - 初隨章敘疑(九斷)
 - 二依經斷疑(經二)
 - 初斷疑(疏二)
 - 初略銷經意
 - 二廣釋五語(真語)
 - 二離執
- 十斷如遍有得無得疑(二)
 - 初隨章敘疑(十斷)
 - 二依經斷疑(經二)
 - 初舉喻斷疑
 - 二讚經功德(二)
 - 初總標
 - 二別顯(十)
 - 初捨命不如(二)
 - 初捨命福
 - 二信經福
 - 二餘乘不測
 - 三依大心說

- 四具德能傳
- 五樂小不堪
- 六所在如塔
- 七轉罪為佛
- 八超事聖尊(疏二)
 - 初總敘意(八超)
 - 二別科釋(經二)
 - 初供佛多中全具福
 - 二持經多中少分福
- 九具聞則疑
- 十總結幽邃
- 十一斷住修降伏見我疑(疏二)
 - 初隨章敘疑(十一斷)
 - 二依經斷疑(經二)
 - 初問
 - 二答(三)
 - 初若名菩薩必無我
 - 二若有我相非菩薩
 - 三能所俱寂是菩提
- 十二斷佛因是有菩薩疑(疏二)
 - 初隨章敘疑(十二)
 - 二依經斷疑(經四)
 - 初舉疑處
 - 二斷疑念
 - 三印決定
 - 四反覆釋
- 十三斷無因則無佛法疑(二)
 - 初科分(十三)
 - 二隨釋(三)
 - 初斷一向無佛疑(疏二)
 - 初隨章敘疑(初斷)
 - 二依經斷疑(經二)
 - 初顯真如是佛故非無
 - 二明佛即菩提故無得
 - 二斷一向無法疑(疏二)
 - 初隨章敘疑(二斷)
 - 二依經斷疑(經二)
 - 初遣執遮疑
 - 二釋義斷疑

- 三顯真佛真法體
- 十四斷無人度生嚴土疑(疏二)
 - 初隨章敘疑(十四)
 - 二依經斷疑(經三)
 - 初遮度生念(三)
 - 初明失念
 - 二明無人
 - 三引前說
 - 二遮嚴土念(二)
 - 初明失念
 - 二釋所以
 - 三釋成菩薩
- 十五斷諸佛不見諸法疑(疏三)
 - 初隨章敘疑(十五)
 - 二引論明意(斷之)
 - 三依經斷疑(經二)
 - 初約能見五眼明見淨(疏五)
 - 初肉眼
 - 二天眼
 - 三慧眼
 - 四法眼
 - 五佛眼(疏二)
 - 初局釋當文(前四)
 - 二通前總顯(二)
 - 初引無著義總釋(無著)
 - 二引古德偈重結(古德)
 - 二約所知諸心明智淨(五)
 - 初約一箇恒河以數沙
 - 二約一河中沙以數河
 - 三約沙河中沙以數界
 - 四約爾所界中所有生
 - 五約一一眾生所有心(三)
 - 初總明染淨以標悉知
 - 二會妄皈真以釋悉知
 - 三推破雜染以釋非心
- 十六斷福德例心顛倒疑(疏二)
 - 初隨章敘疑(十六)
 - 二依經斷疑(經二)
 - 初問福答福

- 二反釋順釋(疏二)
 - 初引論正釋(偈云)
 - 二問答解妨(問福)
- 十七斷無為何有相好疑(疏二)
 - 初隨章敘疑(十七)
 - 二依經斷疑(經二)
 - 初由無身故現身
 - 二由無相故現相
- 十八斷無身何以說法疑(疏二)
 - 初隨章敘疑(十八)
 - 二依經斷疑(經三)
 - 初遮錯解
 - 二釋所以
 - 三示正見
- 十九斷無法如何修證疑(疏二)
 - 初隨章敘疑(十九)
 - 二依經斷疑(經三)
 - 初以無法為正覺
 - 二以平等為正覺
 - 三以正助修正覺
- 二十斷所說無記非因疑(疏二)
 - 初隨章敘疑(二十)
 - 二依經斷疑
- 廿一斷平等云何度生疑(疏二)
 - 初隨章敘疑(二十一)
 - 二依經斷疑(經四)
 - 初遮其錯解
 - 二示其正見
 - 三反釋所以
 - 四展轉拂迹
- 廿二斷以相比知真佛疑(疏二)
 - 初隨章敘疑(二十二)
 - 二依經斷疑(經五)
 - 初問以相表佛
 - 二答因苗識根
 - 三難凡聖不分
 - 四悟佛非相見
 - 五印見聞不及
- 廿三斷佛果非關福相疑(疏二)

- 初隨章敘疑(二十三)
- 二依經斷疑(經四)
 - 初遮毀相之念
 - 二出毀相之過
 - 三明福相不失
 - 四明不失所以(二)
 - 初明得忍故不失
 - 二明不受故不失(二)
 - 初正明
 - 二徵釋
- 廿四斷化身出現受福疑(疏二)
 - 初隨章敘疑(二十四)
 - 二依經斷疑(經二)
 - 初斥錯解
 - 二示正見
- 廿五斷法身化身一異疑(疏二)
 - 初隨章敘疑(二十五)
 - 二依經斷疑(經二)
 - 初約塵界破一異(五)
 - 初細末方便破羸色(疏三)
 - 初引天親明斷疑
 - 二引無著彼執法(無著)
 - 三引大雲示破相(大雲)
 - 二不念方便破微塵(疏二)
 - 初約斷疑釋
 - 二約破法釋(又若)
 - 三不念方便破世界
 - 四俱約塵界破和合(疏二)
 - 初引天親解
 - 二引無著解(無著)
 - 五佛印無中妄執有
 - 二約止觀破我法(二)
 - 初除我執(二)
 - 初斥錯解
 - 二遣言執
 - 二除法執(二)
 - 初除分別(疏二)
 - 初明無分別所依(二)
 - 初總徵三法

- 二別釋第三(二)
 - 初總標(此顯)
 - 二別釋(二)
 - 初總彰三義(於中)
 - 二轉釋後義(以三)
 - 二正顯無分別理(云何)
 - 二顯本寂
- 廿六斷化身說法無福疑(疏二)
 - 初隨章敘疑(二十六)
 - 二依經斷疑(二)
 - 初明說法功德
 - 二明說法不染(疏二)
 - 初引無著解(二)
 - 初申經意
 - 二消經文(云何)
 - 二引大雲解(大雲)
- 廿七斷入寂如何說法疑(疏二)
 - 初隨章敘疑(二十七)
 - 二依經斷疑(疏二)
 - 初開章指文(釋此)
 - 二隨章辨釋(三)
 - 初約兩論釋九喻(二)
 - 初約本論斷疑(於中)
 - 二兼無著釋相(二)
 - 初據論分文(二兼)
 - 二隨文正釋(四)
 - 初自性相(二)
 - 初釋章意(一自)
 - 二別解文(三)
 - 初星喻見(一星)
 - 二翳喻相(二翳)
 - 三燈喻識(三燈)
 - 二著所住味相(二著)
 - 三隨順過失相(二)
 - 初釋章意(三隨)
 - 二正解文(二)
 - 初露喻身
 - 二泡喻受
 - 四隨順出離相(三)


- 初釋章意(四隨)
- 二正解文(三)
 - 初夢喻過去(初夢)
 - 二電喻現在(二電)
 - 三雲喻未來(三電)
 - 三總結示(無著)
- 二約諸經顯喻意(二約)
- 三會秦經明廣略(二)
 - 初指喻顯法(三會)
 - 二正會廣略(魏譯)
- ○三流通分(疏二)
 - 初隨經文別釋
 - 二引論疏讚釋(無著)

金剛經疏記會編科(終)

No. 492-C

十八住階位圖

十 八 住 階 位 圖



十八住階位圖說


第一住配初發心住。并攝前十信。及餘九住。共二十心。二中是六波羅蜜。故次配六行。四中法身分。言說證得。於證得中。開智相福相。故配後三行。第十八中。有六種具足。初一具足配二地至等覺十位。後五無上具足。配妙覺位。其餘配屬可見。

詳夫諸教所說地位差互不同。或說五十二位。或將十信攝入十住。但說四十二位。於中或復開前合後。開後合前。或前後俱開俱合。開之則廣。合之則狹。又或借小明大。借權明實。名相位號。出入譎譎。狗名遺旨。多見差謬。乃至楞伽諸典。泯之全無。纓絡等經。具說成有。若有若無。若廣若狹。皆隨宜之說也。惟華嚴行布萬殊。圓融一際。有無濶狹。悉皆無闕。方為了義耳。所以者何。以約法則無。約人則有。今經云。一切賢聖。皆以無為法。而有差別。無為故無。差別故有。於差別中。不無濶狹也。論主既仰師補處。深悉經義。以宗派兼明故。正住中道。不墮有無。以法喻齊顯故。初後中間。酌於濶狹。配十八住處。說三地五位。誠盡善矣。記主云。然其行人。念念須冥佛境。反窮果海。自然階降不同。若預等級用心。畢竟障於證入。況此經宗無相。豈合列位淺深。但約情感漸薄。地位轉高。義相稍同。故略配攝也。斯言得之。然今之人。乃有以此而病無著者。嗟乎不解即相離相。妄謂一向無相。所以墮增上慢。因果不分。謬執經宗。非毀先聖。好心學般若者。幸勿徇此一邊之見。住於中道。離障證真。依無為法。入賢聖位。則庶乎其不差矣。

No. 492-D

二十七疑脈絡圖

七十二疑脈絡圖



二十七疑脈絡圖說

首曰主者。即不住相布施也。以此是疑主故。展轉生起。至二十七。於中第三出十疑。第十一總承前疑。是為脈絡肯綮處。餘疑可知。

佛乃不思議人。經名不思議說。不思議者。非思議能解也。非思議能解者。無思議者乃能解也。無思議能解者。非思議竟莫能解也。何以故。如上二十七疑。來自經文之外。已非思議所及。然有次序來者。有隔越來者。有通貫來者。有分承來者。次或可知。隔即難曉。況通貫分承乎。譬猶身中血脈。地中泉脈。經絡支派。潛伏流注。殊非尋常義。現於文易開物解者比也。況加之以羸心淺心。狗臆見妄生穿鑿。何關經義。故曰。非思議能解也。彌勒以補處之智。冥妙覺之經。演難思之偈。授登地之人曰斷種種疑。天親始理疑脈。以貫經曰。斷二十七種疑。故曰。無思議者乃能解也。昔者以文求義。矛盾何多。今也以脈定文。參商斯絕。違惟見其順。塞惟見其通。斷惟見其續。暗惟見其明。細心深心。虛所見好古敏求之力也。故曰。非思議竟莫能解也。好心學般若者。當澄神攝慮。熟翫而細研之。將見此經全體血脈。朗然躍現於文字句偈之表。由是永斷羣疑。深解義趣。依解起行。行起解絕。不妨從思議中親到無思議處。即是親見不思議人。親聞不思議說也。尚勉之哉。

例言

- 此經六譯。秦譯稱最。傳布既廣。譌舛滋多。故校諸疏本。亦各差互。今經字句。一依北藏原本勘正。
- 此經注釋。無慮數百家。雖有數家正疏。然皆互有短長。其盡善盡美。唯纂要一疏而已。故今疏文悉遵原本。無敢移易。其刊定記文。既會歸本疏下。首末開合。不無增損字面。貴使文義允當耳。
- 凡疏鈔合本。多見以兩文竝書。而首標疏鈔字者。其不便有二。一者遇條分縷析處。標字太煩。二則於義未安。蓋鈔不得與疏竝列。猶之疏不得與經齊等。譬如經則父也。疏則子也。鈔則孫也。倫次自應有別。今初二卷。以疏文頂格書。記低一字。自三卷以去。則以經文頂格書。疏讓經一字。記復讓疏一字。不同他本之式。又記中有釋經之語。未涉疏意者。會在疏前。令不失次第。
- 此中分科。須辨四種不同。有記中所列之疏科。有疏中所列之經科。有疏中自列之疏科。并節釋之經科。重繁錯雜。初學多迷。

- 今前二種。皆加圈別之。仍乃黑白。使疏記首尾血脈通貫。其後二種。準疏文一例書之。庶井然易見。
- 記中科題。有遺前失後者。竊意補之。有應立不立者。增入之。有疏自列而記復列者。翦削之。或安科取便失次者。隨位置之。或科名未盡善者。略更易數字。非敢妄專。務期允當。覽者無以差脫見疑。
 - 經文十八十九二疑之間。有爾時慧命須菩提至是名眾生一段。計六十二字。秦譯原無。係後人添入。故疏不釋。然魏譯有之。二論亦皆釋之。添亦無失。況記有補釋之文。今從世本添入。如秦譯法華普門品中。添入隋偈。亦無失也。
 - 配十八住處斷二十七疑。為兩論之綱宗。一經之樞要。若階位不明。則昧於橫判。脈絡不清。則迷於豎釋。今各為圖說。系於全科之後。使開卷按圖。瞭然在目。不致尋文難了。
 - 疏記兩文之中。字句竝多錯謬。北藏且不可憑。何論他本。今則揆之文義。苟一字不安。必周徧搜尋。得之舊冊。或深思自悟。釋然無疑。具摘諸譌。附於卷末。一以見讎勘之難。一以出藏本之誤。惟覽者悉之。

No. 492

金剛般若經疏論纂要刊定記會編卷第一

秦三藏法師鳩摩羅什譯經

唐 圭山大師宗密 述疏

宋 長水沙門子璿 錄記

清荆豁後學沙門行策會編

卮云。疏記會編之文。出于科會。故今省之。

[CBETA 贊助資訊](#)

[.https://www.cbeta.org/donation/index.php](https://www.cbeta.org/donation/index.php)

自 2001 年 2 月 1 日起，CBETA 帳務由「財團法人西蓮教育基金會」承辦，並成立「財團法人西蓮教育基金會」－ CBETA 專戶，所有捐款至 CBETA 專戶皆為專款專用，歡迎各界捐款贊助。

您的捐款本協會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與聯合信用卡中心合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

[前往捐款](#)

信用卡（單次 / 定期定額）捐款

本授權書可提供單次捐款或定期定額捐款之用途。

請於下載並填妥捐款授權書後，請傳真至 02-2383-0649，並請來電 02-2383-2182 確認。

或掛號寄至 10044 台灣台北市中正區延平南路 77 號 8 樓 R812 財團法人西蓮教育基金會收。

請在此下載 [授權書](#) (MS Word 格式)

劃撥捐款

郵政劃撥帳號: 1 9 5 3 8 8 1 1

戶名: 財團法人西蓮教育基金會

欲指定特殊用途者, 請特別註明, 我們會專款專用。

線上信用卡 / PayPal 捐款

PayPal 是一個跨國線上付款機制的公司, CBETA 引用其服務, 提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜, 由於付款幣別為美元, 我們除了會依您所贊助之美元金額開立收據外, 另我們會依捐款當日公告匯率開立台幣收據, 此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人西蓮教育基金會」。

CBETA is part of Seeland Educational projects, any donation (ex- cheques, remittance, etc.,) please entitle to "The Seeland Education Foundation".
